



Na osnovu člana 22 a u vezi s članom 8 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 54/18 - prečišćeni tekst i broj 17/20), Skupština Brčko distrikta BiH, na 64. redovnoj sjednici održanoj 17. juna 2020. godine, donosi

ODLUKU

O POKRETANJU POSTUPKA ZA UTVRĐIVANJE NAZIVA NOVIH ULICA U GRADSKIM, PRIGRADSKIM I SEOSKIM PODRUČJIMA BRČKO DISTRIKTA BiH

Član 1

Pokreće se postupak za utvrđivanje naziva novih ulica u gradskim, prigradskim i seoskim područjima Brčko distrikta BiH.

Član 2

Postupak iz člana 1 ove odluke provest će posebna Skupštinska komisija. Zadatak komisije iz stava 1 ovog člana je da pripremi prijedlog naziva novih ulica i podnese ga Skupštini na razmatranje i usvajanje.

Član 3

Zadužuje se Vlada Brčko distrikta BiH da komisiji iz člana 2 ove odluke:

- u roku od trideset (30) dana od dana usvajanja ove odluke dostavi broj ulica u gradskim područjima kojima nije utvrđen naziv i njihovu lokaciju – dio grada, prostiranje ulice i nazive ulica s kojima se graniči;
- u roku od trideset (30) dana od dana usvajanja ove odluke dostavi broj ulica u prigradskim područjima kojima nije utvrđen naziv i njihovu lokaciju – prigradsko područje, prostiranje ulice i nazive ulica s kojima se graniči; i
- u roku od šezdeset (60) dana od dana usvajanja ove odluke dostavi broj ulica u seoskim područjima kojima nije utvrđen naziv i njihovu lokaciju – seosko područje i prostiranje ulice.

Član 4

Danom donošenja ove odluke stavlja se van snage Odluka o pokretanju postupka za utvrđivanje naziva novih ulica u gradskim, prigradskim i seoskim područjima Brčko distrikta BiH (Službeni glasnik Brčko distrikta BiH, broj 52/11).

Član 5

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-907/20
Brčko, 17. 6. 2020. godine

PREDSJEDNIK
SKUPŠTINE BRČKO DISTRIKTA BiH
Esed Kadrić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Odjeljenju za javni registar
- 5) Odjeljenju za javne poslove
- 6) Sektoru za opće poslove i strateško planiranje
- 7) Arhivi